

Dragan Čavić, predsjednik NDP-a

PRIJAVA ZBOG AUDIOSNIMKA

Ko će biti novi predsjednik SDP-a BiH?



Alagić: Lipovača je nebitan



Helez stavio potpis na kandidaturu

I HELEZ KANDIDAT

Predloženi Alagić, Bešlagić, Imamović, Nikšić, Pudarić, Bećirović...

Rok za podnošenje kandidatura općinskih organizacija SDP-a BiH za novog predsjednika ove stranke, koji će biti biran 6. decembra na vanrednom kongresu u Sarajevu, ističe danas. Kako je za Oslobođenje potvrdio član Glavnog odbora Mahmut Alagić, općinske organizacije kandidirale su njega te člana GO SDP-a Selima Bešlagića, generalnog sekretara Nermina Nikšića, ministra za pitanja boraca FBiH Zukana Heleza, predsjednika Glavnog odbora Svetozara Pudarića, kao i gradonačelnika Tuzle Jasmina Imamovića, te bivšeg potpredsjednika SDP-a Denisa Bećirovića.

Konačna lista

Na sjednici Glavnog odbora održanoj krajem prošlog mjeseca Imamović je rekao da se ne vidi kao budući predsjednik SDP-a, dok je Bećirović tada podnio neopozivu ostavku na mjesto potpredsjednika. Kasnije, u intervjuu za Oslobođenje, Bećirović je izjavio kako "na ovom brzopletom i malom kongresu" neće biti kandidat za predsjednika stranke.

- Glavni odbor stranke zasjeda 29. novembra, pred vanredni kongres, kada će sve biti sumirano. U toku je javna rasprava vezana za promjene Statuta stranke koje bi trebale biti usvojene na kongresu i koje bi omogućile demokratičniji proces izbora organa SDP-a u narednom periodu. Mi podržavamo načelo jedan čovjek - jedan glas i ići ćemo u tom pravcu, kazao nam je Alagić.

Na pitanje da li se među predloženim kandidatima nalazi i ime premijera Unsko-sanskog kantona Hamdije Lipovače, Alagić je odgovorio "kako taj čovjek uopće nije bitan".

Za sada je sigurno da će se za mjesto predsjednika SDP-a boriti Zukan Helez, koji je već stavio potpis na kandidaturu, što je i obznanio na svom Facebook profilu, zahvalivši svim općinskim organizacijama koje su ga predložile. Kandidaturu je prihvatio i Svetozar Puda-

rić. Međutim, konačna lista kandidata naći će se sutra pred članovima Predsjedništva partije.

Treba napomenuti i da kandidatura u ime organizacije ne obavezuje kandidata. U proceduri postoji izjava kojom svaki kandidat prihvata kandidaturu ukoliko je želi. Postoji i mogućnost da se svako ko želi sam kandidira neovisno od općinskih organizacija. U narednim danima, svi predloženi kandidati trebali bi se izjasniti o kandidaturi, a krajnji rok je 25. novembar, četiri dana pred sjednicu Glavnog odbora.

Može i rotacija

Inače, mostarski SDP je na javnoj raspravi održanoj u sali hotela Bristol ponudio dva modela izbora budućeg partijskog predsjednika. Raspravi je prisustvovalo pedesetak mladih socijaldemokrata koji su izlagali ideje po ovom pitanju. Neki su predlagali sistem po kojem bi svaki budući predsjednik ove stranke mogao šefovati samo u jednom mandatu, dok su pojedinci predlagali da se na čelu stranke mijenjaju lideri, od kojih bi svaki naredni dolazio iz reda drugog konstitutivnog naroda. Što se tiče načina izbora budućeg predsjednika SDP-a, mostarski ogranak predložio je američki i francuski model.

- Prema američkom modelu, predsjednika bi birao veći broj delegata akreditiranih na kongresu, dok francuski model podrazumijeva da prvog čovjeka SDP-a biraju svi članovi partije, objasnio je član Predsjedništva SDP-a iz Mostara Zoran Mikulić, dok je Zoran Perić, predsjednik Gradske organizacije SDP-a Mostar, kazao da su ponuđeni modeli već isprobani u svijetu.

- Prvi se odnosi na donošenje odluke po pravilu jedan čovjek - jedan glas, dok drugi zagovara da sve gradske ili općinske organizacije biraju svoje izaslanike. Predsjednika bi tada birao veći broj izaslanika akreditiranih na kongresu, zaključio je Perić.

A. G. A. D.

Lider NDP-a Dragan Čavić saopštio je jučer kako je Okružnom tužilaštvu Banja Luka, MUP-u RS-a, te SIPA podnio krivičnu prijavu protiv NN lica za koja se sumnja da su davala ili primala mito.

- Riječ je o prijavi koju sam kao poslanik u Narodnoj skupštini RS-a podnio u ime Saveza za promjene i u kojoj tražim da se utvrdi autentičnost audiosnimka razgovora premijerke RS-a Željke Cvijanović i nepoznate osobe, a koji se odnosi na kupovinu poslanika u Narodnoj skupštini RS-a, pojasnio je Čavić u jučerašnjem obraćanju novinari- ma u Banjoj Luci.

Krivično djelo

Istakao je da očekuje brzo provođenje istrage, jer je nakon objavljivanja spornog snimka "pod sumnjom da su 36 ili 42 poslanika mogli primiti mito kako bi omogućili parlamentarnu većinu partijama okupljenim oko SNSD-a".

- To je teško krivično djelo, za koje njegovi počinioci moraju odgovarati. Stoga je i taj segment ove afere jednako važan kao i da se utvrdi odgovornost onih koji su, ako je snimka autentična, vršili neovlašteno prisluškivanje, dodao je Čavić.

Odgovarajući na pitanje novinara kako komentariše odluku dvojice poslanika Napredne Srpske (Adam Šukalo i Goran Đorđić) da otpočnu novi krug razgovora kojim bi se osigurala većina za izbor nove izvršne vlasti u RS-u, Čavić je kazao da se sada politička situacija u RS-u znatno komplikuje.



Čavić: Ko je neovlašteno prisluškivao premijerku?

- Evidentno je, a ja sam to i ranije govorio, da ni Savez za promjene ni koalicija SNSD, DNS i Socijalistička partija nemaju dovoljan broj poslanika u Narodnoj skupštini RS-a, ali ja sam uvjeren da će situacija biti jasnija do 24. novembra, za kada je zakazana konstitutivna sjednica parlamenta, kazao je Čavić, te priznao da postoje određena mimoilaženja između Vojina Mitrovića, koji je izabran za poslanika NDP-a u NSRS-u, sa samom strankom, ali nije želio pobliže to komentarisati.

Potvrdio je da će i Savez za promjene predložiti kandidate za novo rukovodstvo Narodne skupštine, te da će njihova imena biti utvrđena u narednim danima. Lider NDP-a kazao je da ne može komentarisati ni zahtjev koji su iznijeli poslanici Napredne Srpske, a u kojem traže da kao podršku za izbor nove

vlasti u RS-u, njihov predstavnik bude imenovan u Dom naroda Parlamenta BiH.

Pitajte Dodika

- Mi nismo razgovarali s predstavnicima Napredne Srpske i ne možemo ni iznijeti mišljenje o njihovim zahtjevima, dodao je Čavić.

I na jučerašnjoj konferenciji za novinare Čavić je negirao navode SNSD-a o tome kako je potpisivanje sporazuma Saveza sa SDA i DF-om o formiranju vlasti na nivou BiH, učinjeno nauštrb interesa RS-a. Dodao je, odgovarajući na pitanje novinara RTRS-a, da smatra kako u Srebrenici nije izvršen genocid, te ih pozvao, kako je rekao, da "pitaju to isto i Milorada Dodika, koji je genocid u Srebrenici priznao u izjavi za Face TV prije više godina".

G. KATANA

VIJESTI

VIJEĆE MINISTARA BiH

Za mapiranje rizika od poplava 4,88 miliona eura

Vijeće ministara BiH, na jučer održanoj 112. sjednici, usvojilo je informaciju Direkcije za evropske integracije o tekućim i planiranim IPA sredstvima za oporavak od poplava, u kojoj se navodi da je pokrenut program EU za oporavak BiH od poplava u iznosu od 42,24 miliona eura, koji će biti realiziran putem UNDP-a do oktobra 2016, saopćeno je iz Vijeća ministara BiH.

Istovremeno, Evropska komisija mogla bi odobriti više od 60 miliona eura za saniranje posljedica od poplava u BiH iz regionalnog IPA programa 2014, nakon što BiH provede proceduru za stupanje na snagu Okvirnog sporazuma IPA II za BiH.

Također, usvojena je informacija Direkcije za evropske integracije o inicijativi EK-a za finansiranje izrade mapa opasnosti i rizika od poplava iz sredstava Investicijskog okvira za zapadni Balkan (WBIF).

Na ovaj način će za projekt Mapiranje rizika i opasnosti od poplava za cijeli teritorij BiH biti osigurano ukupno 4,88 miliona eura, a dio ovih sredstava



preusmjeren je iz dva ranije odobrena projekta koji nisu realizirani.

Vijeće je zadužilo ministarstva i druga tijela uprave da razmotre izvještaj EK-a o napretku BiH za 2014. i dokument Strategija proširenja i ključni izazovi 2014 - 2015. te da u planove rada za 2015. unesu aktivnosti kojima će se prevladati nedostaci navedeni u izvještaju. EK je konstatala da je BiH sveukupno ostvarila vrlo ograničen napredak.

Vijeće ministara BiH usvojilo je informaciju Agencije za statistiku BiH o aktivnostima na obradi podataka popisa stanovništva, domaćinstava i stanova u BiH 2013. Prema informaciji, objavljivanje rezultata popisa počće 2015.